

Vol. 43		Issue No. 39		Ramhlun North: Ni 27 September, 2025	
BRANCH THU THAR ■ Tv. PC. Zothansanga Asst. Secy, Vanapa Section, Ramhlun North Branch YMA chu eizawwna vanga hmun danga a awm tak avangin Pu Henry VL Nghilhlova Zote chu Asst. Secy, Vanapa Section, Ramhlun North Branch YMA atan ruat a ni. ■ Platinum inhnuai kawngkhar tur, Pu Thansailova Sailo (Nitea), V-Sec. hnen atangin kan dawng a, a chungah branch YMA chuan lawmthu a sawi. ■ Ni 25.9.2025 zing karah Thlanmual Sub Committee te thlanmual duan dan tur en in an hnattlang a. Ni 27. 9.2025 (Inrinni) hian thlan vurna lei tla phai tawh hnawhin an hnattlang. ■ October thla khawhar in hruiatu ture te- Pu Lalthlenglina, Leader Lalremsanga Hnamte, Asst. Leader Pu Laldinglina Sailo, OB i/c Pu Vanlalrova Pu C. Lalremruata Pu Lalchhuanawma Tv. Eddie Lalfakzuala NI. Esther Lalmuanpuui ■ A hnuaia hun leh hmun tarlanah hian Branch Executive Committee leh Kumpuan Sub Committee Member ten District AIDS Prevention and Control Committee te nen ‘Ruihhlo leh HIV/AIDS Do’ chungchanga inkawmhona neih tur a ni a, member ten ngaihpawimawh tur a ni. A hun: October ni 3, 2025 (Zirtawpni), zan dar 7:00 A hmun: Chawngbawla Rûn ■ Library Duty turte Ni 04.10.2025 1. Tv. Lalrintluanga 2. Tv. Vanlalhriata 3. NI. Lalmawizuali 4. NI. Lalrinsiami 5. NI. Lalmuanzovi 6. NI. Vanlalhruaii 7. NI. Lalnunfeli PPP MODE BAWLHHLAWH PAIH MAN KHAWN A NI DAWN (Thla thar atangin section hruiatu ten khawn tan ang) Ramhlun North, the 27th September, 2025: PPP Mode Sanitation Committee ruahman angin October 2025 - September 2026 inkar bawlhhlawh paih man veng chhungah khawn a ni dawn a, hetiang hi khawn dan tur a ni: 1. Chhungkaw nawlpui - Rs 800 2. Chhungkaw khawsak ziaawm - Rs 1,200 3. Dawr tê, thlai leh thei zuar, hawkers - Rs 1,000 4. School, Hostel, Office, Biak In, Dawr lian, Motor Workshop - Rs 3,000 Chhungkaw nawlpui thawh tur Rs 800 thawhte hian thla khatah Rs 66.6 an thawh dawn a, ni khatah Rs 2.1 bawlhhlawh paihna a tan kan seng tihna a ni. Chhungkaw khawsak ziaawm thawh tur Rs 1,200 thawhte hian thla khatah Rs 100 an thawh dawn a, ni khatah Rs 3.2 bawlhhlawh paihna a tan kan seng tihna a ni. Veng dang atanga Ramhlun North huam chhunga Dawrrawn nei zawng zawngte pawhin bawlhhlawh paih man hi thawh vek tur a ni a, kawng sira thlai leh thei zuar, hawkers-te pawhin bawlhhlawh paih man hi thawh vek tur a ni. Bawlhhlawh paih motor-ah chauh bawlhhlawh paih tur a nih avangin bawlhhlawh paih man hi chhungtin in kan thawh ngei ngei a ngai a, bawlhhlawh nei lo chhungkua kan awm loh avangin kan paih ve ngai lo tih vanga bawlhhlawh paih man hi awl theih a ni lo a ni. Thla thar (October) thla chhung hian Section hruiatuten an mahni Section huam chhung theuhah bawlhhlawh paih man hi anrawn khawn dawn a, chhungtinte lo inruahman lawk tur leh thahnemngai taka lo thawh theuh turin PPP Mode Sanitation Committee chuan min ngen a ni. Chhungtin ten kal te kan lo inralrin theih nan leh chiang leh zuala kan lo hriat theih nan he thu hirawn chhawp chhuah nawn leh a ni e. LOCAL COUNCIL THU Hnatlang: Tukin khan Local Council kaihruihna hnuaiah veng pum huap hnattlang koh a ni a, vengchung hmun hrang hrang thianfaiin hnattlan a ni. He hnattlang hi Local Council chuan a ngai pawimawh hle a, hnattlang phatna atan hian chhungkaw khatah hian Rs. 100/- a tuk a, hnattlang lo, pha baw si lo te chu Rs. 200/- run tur an ni. Pi C. Lalchhandami, AMC Corporator chuan he hnattlang pual hian a tula hman atan Local Council-ah Rs. 5000/- a pe, a chungah Local Council chuan lawmthu a sawi a ni. He hnattlangah hian veng chhung kawng dung te thenfai a ni a, Industry bung zar sah thlak a ni a, tin, thlanmual hlui sam fai a ni baw a ni. Industry penga bung zar sah thlakna leh kawng dung thenfaina sulhnu bawlhhlawh paih ngai te phatna sum tling khawm atangin hlawhfa leh a paihna motor rawih a ni. YMA Section hruiatu ten a tul anga an puihna zawng zawngah Local Council chuan lawmthu an sawi a ni. Hnatlanga thawhchhuah dan leh phatna luh dan hetiang hi a ni- Vanapa Section: Thawkchhuak 115, Pha 86 Taitesena Section: Thawkchhuak 113, Pha 88 Neuva Section: Thawkchhuak 55, Pha 33 Chawngbawla Section: Thawkchhuak 122, Pha 76 Saizahawla Section: Thawkchhuak 125, Pha 50 Khuangchera Section: Thawkchhuak 128, Pha 45 Meeting: Remchang hmasa berah All NGO leh Local Council Meeting koh tum a ni.					



INTODELH

Hna a vang a, thawh tur ka hre lo kan ti a, kan awm mai mai a, chhungte thawhchhuah sa ringin kan duh ang ang in kan leng kual a, zahna chang lah chu kan hre hauh mai bawk si lo a. He kan nun dan hi chu kan sim a ngai ta takzet a ni.

Lehkha hi engvangin nge kan zir? Hah taka hna kan thawh a ngaih loh nan em ni kan zir? Keimahni kan inchawm theihna atana leh kan changkan theihna atan kan zir zawk dawn lawm ni? Lehkha kan zir a, hahdam taka hna thawh tur kan hmuh mai loh avang hian hna vang kan ti ta mai zawk chauh a ni. Mahni inhaikuakna atan hian kan thiamnate hi hmang zawk ila kan hnemhnan pui ngei ang.

Hna hian kan awmna hmunah hian min rawn zawng dawn lo a, keimahni kan chet ve hi a ngai a ni. Tunlai khawvel inelna sang tawh tak maiah hi chuan ti ve mai mai te tan inhaiven chu a theih tawh loh ang tluk hial a ni tawh a, kan theihtawp kan chhuah hi a ngai ve tawh a ni.

Lehkha kan zir sang lua lo anih avanga hnuaihnnung bika inngaih tur pawh hi a ni chuang lo. Kan theihna kawnga theihtawp kan chhuah phawt hi chuan tupawh hi kan intodelh thei vek a ni. Kan thawh thiam ang kan hmuhsit a zaha kan lak chhung hi chuan kan ding chhuakin kan intodelh ngai lo ang. Kut hnathawh hi a zahthlak reng reng lo. Dam tha pangngai, hnathawk lo a tei mai mai nih hi thil zahthlak a ni zawk.

Zirlai kan nih avanga chhungte chawmhlawm ni tura kan inngai tlat mai pawh hi inngaihtuah chian a pawimawh. Kan zirlai avangin hunpum chuan hna kan thawk thei hauh lo ang. Amaherawh chu kan thawh theih tawk hi chu a awm a ni. Kan ngaihsan em am sapfo pawh khuan lehkha zir chungin an hunawlah inhlawhna hrang hrang an dap a, anmahni inchawmna khawp hial pawh an thawkchhuak thei thin. Thawh tur a awm lo tih kan chhuanlam fo thin, kan zawn loh chuan a awm lo ang, kan ngaihven erawh chuan thawhtur hi chu a awm reng thung.

Mi taima leh tumruhte dinchhuahna khawvel, a ruh no no an chhuah tawhna hmunah hian kut kuanguaha thut ngawt hi chuan dam chhuah aiin ralna chauh hi min thlen zawk ang.



KHAWTHLIR

KANGHMUN OPERATION 1967

Tun tum chu, Mizoram buai laia Kanghmun Operation chungchang hi han sawi ve ila. Khang hun lai te kha, tunah chuan khua rei a lo chang mai dawn ta si a. Tunlaia thangtharte hriat atan han thai lang dawn ila.

Mizoram Zalen a sual laia, mipui te mangan zia kha tunlaia nula leh tlangval te hian hria an awm tawh lova, an tan chuan hmanlai thawnthu ang mai a ni tawh mai dawn si a.

Mizoram chuan Dated 1st March, 1966 khan Independent a lo puan tak avangin Mizo nula leh tlangval te chu mahni hnam chhan in ramhnuai lamah underground in an kal ta chum chum mai a. India sawrkar chuan, Mizoram in Independent a puan chu a pawmpui thei lova. India sipaite chuan Mizo hnam sipaite chu tih chi mih tumin, man emaw, kah hlum emaw turin min bei ta a. An tamin ralthuam an nei tha si a. Chuvang chuan ramhnuai lamah an awm a ngaih phah ta a. India sipaite chuan an khua te chu an hal a. Buh in te hal in thingtlang lamah phei chuan phei chuan a remchanna apiangah khua chu an sawi khawm bawk a. An tuarna hi nasa tak a ni a. Sawifiah mai theih pawh a ni lo.

Kum 1967 Christmas chu lo in her chhuak dawn ta reng mai a. Hetih hun lai hian, India sipaite chuan post nget neiin Reiek ah awm hmun an bengbel hle tawh a. Darlung khuaah pawh India sipaite hi camp neiin an awm tawh bawk a.

Hetih hunlai hian Mizoram Ramhnuai sawrkar chuan, Mizoram chu State kan tih ang hian hmun li-ah a then a. Chungte chu (1) Phawngpui Bung - chhim bial (2) Lurh Bung - Khawchhak bial (3) Run Bung - Hmar bial leh (4) Dampa Bung-Khawtlang bialah te a then a ni.

Kanghmun hi, Dampa bungah, Chhawrpial District-a ni a. An DC chu Pu Rualchhina tuna Ex-Minister hi a ni a. Dated 23rd Dec 1967 ni hian, Mizo Army 'Z' Battalion Commander Pu R.Haleluia ho te chuan Reiek hmuna Sipai leh Darlung hmuna Sipate, Indian Army Post Commander-te chu lehkha pe in, 'Keini chu Kristian kan ni a, kan ni lian (Krismas) kan hmang dawn a. Dated 23rd Dec 1967 atanga Dated 26th Dec 1967 Dar 12 zanlai thleng hian inkap lovin hun tha i hmang ang u,' an ti a. Kanghmuna Krismas hmang tur anni tiin fel takin lehkha chu an pe ta a. Hetiang chiah hian India sipaite pawhin an lo zawm ve a. Buaina a awm lo.

Amah erawh chu, Darlung a India Sipate chu Ni 24th December 1967 hian Petrol-in Bungmunah an kal a. Hetih lai hian Kanghmunah DC office chu an lo hung ve bawk.

Chutih chhung chuan, Darlung sipaite hian buaina an siam lova, tumah an man bawk lova an haw leh mai a. An DC Pu Rualchhina ngaihdan chu a ni chiah lova, buaina erawh a awm lo.

Nimahsela, Dated 26th Dec 1967 a lo thlen meuh chuan, thil a danglam tan hle a. India Sipate chu 'Z' Batallion chu man (Hupbarh) tumin an lo inchah khawm a lo ni a. Darlung sipaite pawh khan thil awmzia an finfiah lek a lo ni a. Inkahhai hun tiam a zawh ni chiah Ni 26th Dec 1967 zanlai pelh chuan India sipaite chuan Reiek atanga Darlung kawngpui channa khan tha zawng zawng leh luipui Tlawng leh Tut a luichhuah

tha deuh leh tlangkhan tha zawng zawngah te chuan Ambush position lain an lo in zar pharh vek a lo ni a.

Dated 27th Dec 1967 khawvar hma in Kanghmunah pawh namen lova tam India sipaite chu an lut ta a. Mipui an khawm a. Khawvar tawh hnuah chuan silai puakrang hi a ri ta zawt zawt mai a. Sipai in an man zinga mi Pu Thanglura tlan chhuak chu an kap zui a lo ni. An kap fuh lo hlauh a ni. Hemi tum hian Pu Zohmangaiha tuna IRS (Rtd) pawh hi an man zingah a tel ve a. Nimahsela, vanneihthlak takin sipai duty nam thluin a tlan chhuak ve thei ta a.

Amah erawh chu, an DC leh ADC Pu Lianghawra te thlenin pa Pu Dengrawia chu sipaiin an vaw hlum. A thih hnuah an kap a, kahhlum angin an kaltir an ti a ni.

India sipaite chuan 'Z' Batallion awmna a hruai turin Kanghmun khaw tlangval tleirawlte chu an tilui a. Mizo sipaite awmna hmun hi 'Bawngthluk Ram' an ti a. Chumi hmunah chuan Krismas chu an hmang a. Vawk leh Bawng an talh a, an hlim ve hle a ni. Khua atanga mel thum vel a ni an ti. India sipaite hian dan chu an bawhchhe lova, hun tiam ral hnuin chet an la ta a ni. Mizo sipaite khan hun tiam chhung khan an hmun hi lo chhuahsan sela chuan buaina lian an tawh lo mai thei.

'Z' Batallion Camp ah hian India sipai 200 vel zet an kal a. Nimahsela, India sipai Kanghmun-ah an lut tih Mizo sipaite hian an hria a, in saseng turin an in buatsaih ve nghal a. An kal kian hma-a an nan chin loh nan uluk takin duty pawh an in dah a. Mizo Sipai kal chhuak chu an kal kian hma a lo veng turin Platoon khat an Camp-ah chuan position lain an bawk thuap bawk. Mizo sipai awmna 'Bawngthluk Ram' hi mual dung tha tak hmun zawl tak, awih tlan laia awm a ni a. Bawng thluk vum a an avangin Bawngthluk ram tih an vuah a ni an ti. Chumi chung zawlah chuan 'Z' Batallion chuan Krismas chu an hmang a. Mahse, India sipaite chuan, zing dar 7 velah an rawn run a. An indo ta a vak mai a. Mizo Army-te chu rei tak tang lovin an thiant awmna lamah an tawlh liam ve ta a. Silai ri pawh a reh ve ta a, chuta tanga rei lo te ah chuan Helicopter a rawn thlawk a, an inkahna chungah chuan a dir chur chur mai a. Mihring hi a khai chho nul nul mai thin a. A hnu lamah an sawi dan chuan, hliam an la an ti. Hemi tum hian India sipaite chu an thi tam viau niin an sawi.

Mizo Army chungchang han sawi ve leh ila, an kalna tur zawng zawng an dang ping vek a, kalna tur kawng a awm lo an ti hial a ni. Nimahsela inkahna awm tawh lovin him takin an put chhuak zo thei ta a. India sipaite chuan Mizo Army ho hi an thlawk thei a ni ang, an ti hial e an tih chu!! Rampalailengah an kal a, Kanghmun khawdai ah damdawiin bul Aizawl lam atanga kal a luh dawn (hetih hunlai a mi) damdawi in lan theihna kawng rajah an kal liam a. Uinak lui dungah kalin, Arte ram lamah an kal chhuak ta a ni. Mi thenkhat sawi dan chuan, Mizo Army-te hi India sipaite hian an hmu a, mahse inkahna ah an thih hnem em avangin an kap ngam lova, an hai der a ni, an ti bawk.

Aw le, sawi tur a tam a, sawi sen erawh a ni lo. Tuna ka han thai lan atang mai pawh hian Mizo nula leh tlangvalte hian hnam boral kan hlauh avanga kan ram leh hnam kan lo humhalh dan tlem tal kan lo hriat beisein ka han tarlang a ni e.

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhuntluanga, Vanengmawia
Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma
Circulation Managers: PB Lahuapzauva, Samuel Lahlpuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
ZIN & HAW ■ Pu Lalrochama, Vice President, RN YMA chhiat tawhna thila Chhingchhipa kal chu a lo haw leh ta ■ Pu Rorelliana, Finance Secretary, RN YMA chu chhungkaw pawimawh buaipuiin Shillong-ah a zin. ■ Rev. Dr. Vanlalnghaka Ralte, N-Sec. chu in check up turin Kolkata-ah a kal. ■ Pu Vanlalruata, V-Sec. chu in check up turin Delhi-ah a kal ■ Er. R Lalthakima, T-Sec. New Delhi a hun engemaw chen inenkawl chu tunkar khan a lo haw. ■ Pu Hrangvunga te chhungkua, T-Sec. chu chhiattawhna avangin Thingsulthlihah an kal ■ Pu VR. Mawia S-Sec. chuan a farnu damlo inentir tur Shillong-ah a hruai. ■ Pu LH. Thanga te chhungkua, V-Sec. chu inentira New Delhi-a kal chu an lo haw leh ta. ■ Pi Siampuii w/o Lalpiangthara, S-Sec. chhungkaw thila Saitual zin chu a lo haw leh ta. ■ Pu Lalsawmzuala Pulamte, C-Sec. chu chhungkaw thilah a hna thawhna atangin a lo haw. ■ Pu Gospel Thangrimawia, K-Sec. Pu H. Lalparliana, C-Sec. Pu Lalhnehzova leh Pi Lalthanmawii, T-Sec. te nupa chu Mizoram Students Evangelical Union Spiritual Convention, Champhai Kahrawt a hmang turin an zin. ■ Nl. Lalmangaihzuai S.Sec, committee member chu hna thil vangin Shillong-ah a zin. ■ Pu Rualthankhuma Intoate, C-Sec. thil pawimawh buaipuia New Delhi zin chu a lo haw leh ta. ■ Dr. Vanlalhlana, bialtu MLA chu hna thilah Dampa Constituency-a zin chu a lo haw leh ta. Pu Lalduhsanga, K-Sec. in a zui. ■ Nl. Sarah Lalrinsangi d/o Lal Chungnunga (L), V-Sec. thil pawimawh buaipuia Kolasib zin chu a lo haw leh ta. THILDANG ■ Pi Lalthantluangi, V-Sec. chu Agape Hospital-ah thisen unit hnih pek a ni. Thisen petu: Pu R Lalrinliana, ECM PC. Zothansanga, V-Sec.	DAMLO ■ Pu VL Pianruala, ECM chu Lu nâ leh Lung (heart) lam harsatna avangin in lamah a inenkawl ■ Pi Lalliani w/o R. Vanlalkunga (L), S-Sec. Greenwood Hospital-a awm chu in lama inenkawl turin a lo chhuak. ■ Pi Lalthantluangi w/o Sanglura Sailo (L), V-Sec. chu natna hrang hrangin avangin Agape Hospital, Chanmariah dah luh a ni. ■ Pi Zaluti w/o K. Lalthanzuala, K-Sec. chu Alzheimer vangin in lamah enkawl mek ani. ■ Pi Lalengzami w/o Ramdinzauva, T-Sec. mît-a lungte awm chu LRM Hospital-ah zai a ni. ■ Nl. Catherine Lalbiakzuali d/o Annie Thangluri S-Sec. chu Agape Damdawi In atangin dam takin a lo chhuak leh ta. ■ Pu Lalremruata Kawlni S. Sec. committee member chu damlohna avangin in lamah enkawl mek a ni. ■ Pu Malsawmthara, K-Sec. chu Kolkata-ah enkawl mek a ni. KOHHRAN ■ Ramhlun East Kohhran: Ni 22-28.09.2025 chhung hian Crusade an nei a, Speaker atan Rev. Lalzuthanga rawih a ni. PAWL DANG ■ Ramhlun North Football Club (RNFC) Vawiin ni 27.09.2025 khan RNFC chuan Chawnpui FC 4-1 in an hneh a. Ni 29.09.2025 dar 12:15 pm hian Ramthar FC leh Tuithiang FC chak zawk zawk an tum leh ang. Champion rim a nam tan. LAWMAWM ■ Mizoram Tourism Excellence Award 2025, 'Best Restaurant in the State of Mizoram' chu Ramhlun North Biakin Mual Main Road an a Pu Lalbiaka Building a mi 'Naamy Restaurant' chuan a dawng. Vawiin 26.9.2025 hian Tourism Minister Pu Lalnghinglova Hmar in World Tourism Day denchenin a hlan. He Restaurant tha tak hi Nl. Esther-i d/o Er. Laltlanchhunga enkawl a ni. ■ Pu Paul Vanlalnghaka, S-Sec Committee member leh Pi L. Sangzuai te nupa chuan a pahnihna atan Synod Hospital, Durtlangah fanu duhawm tak an nei thar ■ Pi Lalmuanpuii Ralte w/o LP. Lahlhimpuia C.Sec, chu Junior Grade atangin Senior Grade of MSS-ah a kaisang. ■ Tv. Emmanuel Thangrosanga chuan World Record of Excellence, England atangin chawimawina a dawng. He chawimawina hi September ni 21, 2025 khan New Delhi-ah hlan a ni.	CENTRAL YMA THU ■ Cental YMA Chetvelna 22.9.2025 : E-in-C, P&E Deptt. Office Conference Hall-ah Mizoram State Emergency Operation Centre Lungphum programme hman a ni a, Pu Fabian Lalfakawma Asst. Secretary, Pu Lalthazuala Renthlei CEC, Pu Lalrochama CEC (kan Vice President) te bakah CDRT atangin mi 3 an tel. ■ 22.9.2025 : SAD Conference Hall-ah Hulhliap Short Stay Centre chungchang meeting neih a ni a, Pu Roneihthanga Treasurer a tel. ■ 24.9.2025 : DGP Conference Hall-ah State Level Anti-Narcotics Task Force meeting neih a ni a, Pu Fabian Lalfakawma Asst. Secretary a tel. ■ 24.9.2025 : Aizawl DC Pisa-ah AMC Draft Roll Published hun hman a ni a, Pu M.S. Ralte Fin. Secretary a tel. ■ 25.9.2025 : Central YMA Office-ah Section Officers, Central Secretariat Service mi 20 an rawn leng a, Prof. Malsawmliana Gen. Secretary-in a lo dawng sawng a, YMA chungchanga an hriat duh te a lo hrilhfiah. ■ 25.9.2025 : Observer Research Foundation, Kolkata buatsaihin Aijal Club-ah “US Strategic Framework for the Indo-Pacific : North Eastern Dialogues - Mizoram Chapter” chungchang sawihona neih a ni a, Pu Lalrammuana CEC leh Pu Lalmangaiha CEC te an tel. ■ 26.9.2025 : Central YMA Office-ah US Consulate - Consul General Ms. Kathy Giles - Diaz leh a thawhpuite an rawn leng a, Central YMA OB ten an lo dawng sawng. ■ 26.9.2025 : District Judge Meeting Room-ah Victims of Crime Compensation chungchang meeting neih a ni a, Pu M.S. Ralte Fin. Secretary a tel. JOJO COMPUTER INSTITUTE (Govt.Approved Institute) Chanmari Ramhlun Road Account & Tresury bul Computer zir duh tan DCA course-ah free admission hawn mek a ni e. Computer zirna hlun leh experience nei tha, faculty tha tak nei kan ni e. Admission hi online pawhin a tih theih a. Textbook a free-in pek zel an ni; website changtlung tak mahni inzirna tur kan nei bawk. Ph/Whatsapp: 9612728031, 9612359711 DL90 DLIGHT90 24x7 Discount Unit of MSR Business Engkim DISCOUNT reng na hmun! DLight90- 24x7 Discount, brand lar leh tha zawrhna - choka bungrua, electronics (Tv, Speaker, Earphone etc), Electric Bungrua, Hardware Tools, Sports, Toys etc, engtik lai pawha DISCOUNT na, min rawn dawr ve rawh le. Add: MSR Market, Zarkawt,PWD Tlang Ph:6009316424 Add: Dawrpui Vengthar, Near Aizawl West College Ph:9863750966 Add: J Thankima Estate Bawngkawn,Opp Vishal Mart Ph:9366525778

MARYMA

PHEK 4-NA

RN YMA CHANCHINBU

ARTICLE

Kan hmuh leh kan hriat thin te kha

-Dr. Lalsiampara Sailo, T- Sec.

Naupan laia nu leh pa/pi leh pute sawi, ngaihnaawm ti zeta kan ngaihthlâk thin thawnthu pângngai bâka huai/ramhuai chanchin hriat loh bik hlau tak si, hlau leh thin phu dêp dêpa kan ngaihthlak thin a awm nual mai. Chung chu ka'n sawi tum ber erawh a ni lo; hriatna tizau atân sawi tum ber ni lo mah se, chung zînga pakhat chu thu hmathehah ka'n dah hram teh ang.

Ngopa daiah khian luitê pakhat, Nùhnap tih hming pu a awm a, a lo puh chhuahna bul mai atanga a luan zêlna fîng khat vêl zeta thui chu zawl, hmun rai nuam deuh mai a ni a, thingpui huanin a khat. Thingpui huan bak chu chàk lâkna risap ngaw a ni vek thung. Chunglai vêl chu naupan laia kan thang kamna leh sava veh thinna hmun a ni.

Pi/pute hun lai erawh chuan ngaw dur khup hmun, hnawng churh mai leh hrisel lo zet a nih ngei a rinawm. Ramhuai leh huai chi hrang hrang chên thinna hmunpui nia sawi thin a ni. Chulaia huaite chu an inau loh loh thin a, 'NÙHNAP' tiin an inko thin niin an sawi. Chu an inkohna hming chu chawiin he lui pawh hian 'Nuhnap' tih hming hi a lo pu ta nia sawi thin a ni.

Kei paw'n helai ruamah hian ramhuai lian pui, inthumkâr tia zet ka hmu ve – tum khat kan lui kal haw kan khawthim pek a. Helai ruam kan kal lai hian kan hma fit za velah hian kan kalna tûr kawng kârkalak chiah hian a lo ding zûn mai a! Ka hmaa kalten eng mah sawi lova an kal ngaia an kal zêl avângin kei paw'n, thih leh thih, tiin hlau thin phu dêp dêp chungin ngawi reingin ka zui ve zel a. A hnuai kan thleng dawn, hlau meng tha ngam lo chungin kân hawi chhuak hram chu leh – Awi maw le! Hmelmate hmuhah pawh ka duh chuang lo. Rin loh lutuk thil ka hmu ta tlat! Râl atanga hmuh ang ngawt pawh a lo ni lo, rin ai daihin a lo sang bawk si. Thing kung sâng taka thlikthliëkbawm buk zet-ah chuan a tawm ral der!

Huai leh thlahráng an sawi thin tam tak pawh hi fiah ni hlawm ta se, ka ramhuai hmuh ang vêl hi an nih deuh vek a rinawm. Huai/ thlahráng ni chiah lo, tun hmaa kan hmuh/ hriat thin, tun hnua hmuh/ hriat tûr awm ta meuh lo lam zawk tlem thlûr teh ang :-

#1. Tau meichher chhi: Tau meichher chhi hi ngaw kâra meichher chhi, a chang phei chuan êng eng emaw zah inzui thliai thliai, râlkhata atanga hmuh an ni tlangpui. An meichher êk tih tlak niawm taka tek deuh chiai chiai ang pawhin an lang thin. Hmun leh hmuna hmu an sawi erawh kei chuan ka hre lo. Hetiang hi pipute chuan huai chi khat, 'Tau' an tihte hnathawh niin an sawi. Sap ho pawhin hetiang 'huai' hi dûm hmun vêlah an lo hmu ve thin a ni awm e.

#2. Chhawihfa: Tau meichher chhi hi ramhnuai a hmuh thin a ni a, chhawihfa erawh hi chu khawchhungah an hmu deuh ber. Mitthi thlarauin taksa a chhuahsan hian chhawihfa anga inlan hi an awm thin nia ngai an awm. Kan naupan laiin hmu an awm thin. Kei chuan ka hmu ve hauh lo a, kan rual u hretin a hmuh thu tihian a sawi : "Thichhâwnga rei tak dam lo tawh kan riahpui a, zân zun zunga pawn ka va chhuak chu ui ni ngeia ka hriat hi kaiţenah a lo awm a. Pet ţawk tumin ka ke ka'n lek chu le - a tlan dawk zawk a, a thlawk alh ta puat mai, mei alh ang hi a thlahu chuai chuai baw, sang tak a thlawh hmain a reh ve leh mai baw a. Kan damlo riahpui pawh chu khawvar hma hretin a chatthla".

Tau meichher chhi leh chhawihfa lo awm dan hi scientist-te chuan thil thuhmunah an ngai - thlai leh hnim hnah leh ran/ramsa ţawih atanga boruak lo chhuak thin heng methane, phosphine/diphosphane te boruak (admospheric air) -a oxygen nen an indehin a lo alh ta thin niin an ngai. Tunlaiin kan kiang vêlah thil ţawih, boruak rimchhia siam tur a awm ta meuh lo, chuvangin tau meichher chhi leh chhawihfa pawh khawiah mah kan hmu ngai ta lo a nih hi.

#3. Thim hlima dai hnai t   sakhi h  k leh tlumpui kui: Sakhi hi chhunah an hr  m (h  k) thin tih kan hre theuhin a rinawm; tlumpui pawh hi chhuna hr  m (kui) thin ni ngei t  rah ka ngai. Z  n khaw thim hnua an hr  m hi chuan ţhawngtu/tiph  wkl  ktu an awm a ni thin. Hetiang huna khaw ch    ng atanga an hr  m kan hriat hian mitthi an awm ngei ngei thin, an ti; mitthi thlarau chhuak khan sakhi/tlumpui mu lai kha a ţ  wng harh thin nia ngaih a ni.

Tunlaiin sakhi h  k leh tlumpui kui chhunlawnah pawh kan hre ngai ta meuh lo, mitthi erawh kan awm deuh reng si a nih hi. Zana an hram thin pawh kha thlarau ni lovin sa dang tihph  wklek a nih zawk ngei a rinawm.

A chungka ka sawi b  k pawh khi hmanlaia kan hmuh leh hriat thin, tunlaia kan hmuh/hriat ngai tak loh tam tak sawi t  r a awm ngei ang – kawlh  wk thl  wk kan hmu ngai tawh lo va, hauhuk hualreu pawh kan hre ngai ta lo; chingpirinu hram leh a 'thizun' pawh hriat tur meuh a awm ta lo niin a lang. Tuitu hr  m leh vabak hr  m chu ram kal ţhang deuh chuan an la hre thin mahna.

Heng thil kan hmuh a kan hriat ngai t  k meuh lohna chhan hi chanchin  hain kan rama ramhuai a umbo v  ng ai mahin kan chenna v  la ram ngaw leh nungcha an rem nasat tak   m vang a ni zawk. Hmuh t  r leh th  wm chhuah t  r kan ramah hian an awm ta meuh lo niin a lang. Kan chhehv  la ram ngaw tichereu leh nungchate khawsak tibuai lo thei ang bera kan hmas  wn k  lsiam pawh hi kan ruahman thiam a t  l takzet a ni.

ADVERTISEMENT

KC TUI

(10-10)

Tui thianghlim tak PHE a quality test thlap, PickUp-in 2,000 litre kan pe thei reng e. Ramhlun North veng chhung tan discount kan pe e.
Ph: 7005010327 / 9774223462

SAWMA SEPTIC TANK SERVICE

Septic Tank khat paih fai, commode block, pipe fit, soak pit thar siam engkim kan ti thei e.
Rate: Inbiakremna Ph: 8119969364 (10-8)

JM SEPTIC TANK SEVICE

Septic tank khat paih fai, comode block, pipe fit, soak pit tha lo leh a thar pawh kan siam thei reng e. Kan sulhnu a fel fai a, service hlun leh rintlak kan ni e.
Rate inbiak remna. Registration: MRS 542
Contact: 9862476439 / 9436199884 (10-8)

KHIANGTE SEPTIC TANK SERVICE

Septic Tank khat paihfai, Comode Block, Soak pit, Pipe Fitting, Repair engkim, khur chhung lutin, a neitu te lungawi na thlap in kan thawk thei e
Contact - 9862344971 Bawngkawn South (20-18)

L.H SEPTIC TANK SERVICE

Septic tank paihfai leh repairing engkim kan thawk thei e. Kum 17 chuang experience nei kan ni e.
Rate:4500 per trip
Ph.6909183193 (30-17)

SEPTIC TANK KHAT & REPAIR

Septic tank khat paih leh repair kan ti thei reng a, rate chu inbiakremna a ni ang. (5-5)
Contact: 6033373188/9612376373 | C/o Marina: 9436140350

COMPUTER CLASS FREE ADMISSION

CCA/DCA December exam turin Free Admission hawn mek a ni leh ta e. . . Free Study Materials.
Free PC Hardware Maintenance & Windows/Software Installation.
Mon - Fri Class kal hman lo tan Saturday-ah Class a kal theih baw e.
Class timing 7:00am - 6:00pm (Mon-Fri)
HI-TECH INSTITUTE OF COMPUTER
Zarkawt (Near Traffic Point) &
Ramhlun North (Industry peng. Opp. Traffic point)
9862343182 / 9089612701(WhatsApp/Call)

VINCO ENTERPRISE

Hunthar veng, Aizawl Ph-8837293876/ 8974843225

Insakna Bungrua Rod (Durgapur Rod, X-tech leh Tata Tiscon)
Cement, Balu Brick leh AAC te hi AMC Area ah kan Free Deliver thei e.

Durgapur Rod(Platinum)			X-tech	
20mm	1650/1600		20mm	1840
16mm	940		16mm	1140
12mm	550		12mm	660
10mm	350		10mm	445
8mm	250		8mm	300

GOV'T. APPROVED INSTITUTION

MERGE COMPUTER CENTRE

NEW COURSE OFFERED:

Stenography (Gregg)

OTHER COURSES :

DCA Semester I

DCA Semester II

Computer Hardware

Free Admission

Free Access Website content

Free Basic Typing Course

Provide Theory Video Tutorial

Scholarship for DCA II and Stenography

Examination & Certificate issued by

MSCTE, Govt. of Mizoram

CALL OR WHATSAPP

9862358347

ADDRESS:

Near Chanmari YMA Hall, Chanmari, Aizawl.

More details & Onlne admisslon:

https://www.mergecomputercentre.org

Published & edited by Eddie Lalfakzuala for and on behalf of Ramhlun North Branch YMA. Copies- 1,270